

ქ. თბილისი

საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, საქართველოს შინაგან საქმეთა მინისტრის 2016 წლის 25 მაისის N268 ბრძანების საფუძველზე, წარმოდგენილი ეკონომიური დეპარტამენტის დირექტორის მოადგილის მურთაზ სიჭინავას სახით და მიმწოდებელი: შპს „ელსელემა“; საიდენტიფიკაციო კოდი: 204438073; მისამართი, ტელეფონი: ქ.თბილისი, გურამიშვილის გამზ.64ა; 2 601 800, 599 232 333; დირექტორის მინდობილი პირი: ლევან მამასახლისი; საბანკო რეკვიზიტები: სს „ბანკი ქართუ“ ბანკის კოდი: CRTUGE22 ა/ა: GE91 CR00 3008 6127 5836 06; ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, 2017 წლის სახელმწიფო ბიუჯეტის დაფინანსების ფარგლებში შინაგან საქმეთა სამინისტროს მიერ გამოცხადებული **SPA170005135** ელექტრონული ტენდერის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. „შემსყიდველი ორგანიზაცია“ (შემდგომ „შემსყიდველი“) - საქართველოს შინაგან საქმეთა სამინისტრო;

1.1.4. „მიმწოდებელი“ - შპს „ელსელემა“.

1.1.5. „შესყიდვის ობიექტი“ - წინამდებარე ხელშეკრულების მე-2 მუხლით გათვალისწინებული საქონელი.

1.1.6. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ **SPA170005135** ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

2.1. წინამდებარე ხელშეკრულების დანართი N1-ით განსაზღვრული ფურნიტურის შესყიდვა (CPV18400000).

3. შესყიდვის ღირებულება

3.1. ხელშეკრულების ღირებულება: 60490 (სამოცი ათას ოთხას ოთხმოცდაათი) ლარი.

3.2. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. მიწოდების პირობები

4.1. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით, დანართი N1-ით განსაზღვრული ვადების შესაბამისად.

4.2. მიმწოდებელმა უნდა უზრუნველყოს შესყიდვის ობიექტის ადეკვატური შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებული დანიშნულების ადგილამდე ტრანსპორტირების პროცესში. შეფუთვის სახეობა, თითოეული ფუთი გაბარიტი და წონა უნდა შეესაბამებოდეს დადგენილ სტანდარტებს.

5. გარანტია და შესყიდვის ობიექტის ნაკლი

5.1. შესყიდვის ობიექტის საგარანტიო ვადა განისაზღვრება წინამდებარე ხელშეკრულების დანართ N1-ში მითითებული ვადის შესაბამისად.

5.2. გარანტიის პერიოდში შესყიდვის ობიექტის ხარვეზის გამოვლენის შემთხვევაში, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 10 (ათი) კალენდარული დღის ვადაში აღმოფხვრას ხარვეზი, შემსყიდველის მხრიდან დამატებითი დანახარჯების გაწევის გარეშე.

5.3. მიწოდებული შესყიდვის ობიექტი უნდა იყოს უფლებრივად და ნივთობრივად უნაკლო, წინააღმდეგ შემთხვევაში ხელშეკრულების მოქმედების ნებისმიერ ეტაპზე და ასევე, მისი მოქმედების დასრულების შემდგომ, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 10 (ათი) კალენდარული დღის ვადაში გამოასწოროს ნაკლი ან შეცვალოს ნივთობრივად და უფლებრივად უნაკლო შესყიდვის ობიექტი, შემსყიდველის მხრიდან დამატებითი დანახარჯების გაწევის გარეშე.

5.4. მიმწოდებლის ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

6. ხელშეკრულების შესრულების კონტროლი

6.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ, შსს ლოჯისტიკის დეპარტამენტის მარაგებით უზრუნველყოფის სამმართველოს უფროსი შალვა ლომჯანიძე, ამავე სამმართველოს მოთხოვნების დაზუსტებისა და მარაგებით უზრუნველყოფის სამსახურის უფროსი მაია ნასარაია, ამავე სამსახურის უნიფორმების მოთხოვნების დაზუსტებისა და უზრუნველყოფის განყოფილების უფროსი ირაკლი ბაჯელიძე, მთავარი სპეციალისტები ბაჩანა საგანელიძე ან/და ლუიზა საფარაშვილი.

6.2. ინსპექტირების ჯგუფი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.

6.3. ინსპექტირების მიზნით, ხელშეკრულების გაფორმებიდან 5 (ხუთი) სამუშაო დღის ვადაში მიმწოდებელი ვალდებულია წარუდგინოს შემსყიდველი ორგანიზაციის ინსპექტირების ჯგუფს მისაწოდებელი საქონლის თითო ეგზემპლართან ერთად სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“, „სგს“, „INTERTEK“ ან სხვა აკრედიტირებული პირის (ასეთ შემთხვევაში, დასკვნასთან ერთად წარმოდგენილი უნდა იყოს დასკვნის გამგები პირის აკრედიტაციის დამადასტურებელი დოკუმენტის ასლი) მიერ გაცემული შესაბამისი დასკვნის დედანი, რომელიც ჩაუტარდა ფასთა ცხრილის მე-4 პოზიციით გათვალისწინებულ საქონელს და რომელშიც მითითებული იქნება მისაწოდებელი საქონლის ქსოვილის შემადგენლობა.

6.4. ექსპერტიზის დასკვნის დედანი, ექსპერტიზაგავლილ საქონელთან ერთად წარმოდგენილი უნდა იყოს დალუქულ მდგომარეობაში. (ასეთის არ არსებობის შემთხვევაში, პრეტენდენტმა შესაძლებელია წარმოადგინოს ექსპერტიზაგავლილი საქონელი დალუქულ, ხოლო ექსპერტიზის დასკვნის დედანი დაულუქავ მდგომარეობაში. ამ შემთხვევაში შესაძლებელი უნდა იყოს დალუქული საქონლის, შესაბამისი ექსპერტიზის დასკვნასთან იდენტიფიცირება. მაგალითად, ექსპერტიზის დასკვნის ინდივიდუალური ნომერი უნდა ემთხვეოდეს დალუქული საქონლის შეფუთვაზე (შეფუთვაში) არსებულ ნომერს).

6.5. ეგზემპლარების ან/და ექსპერტიზის დასკვნის წარმოდგენლობის ან მათი ხელშეკრულებით გათვალისწინებული მოთხოვნებთან შეუსაბამობის შემთხვევაში შემსყიდველი უფლებამოსილია მხოლოდ ერთხელ, განუსაზღვროს მიმწოდებელს დამატებითი, გონივრული ვადა (წერილობითი შეტყობინებიდან არაუმეტეს 10 (ათი) კალენდარული დღე) არსებული ხარვეზის აღმოსაფხვრელად, რისთვისაც დანახარჯების გაწევა ევალება მიმწოდებელს. აღნიშნული ვადის გაგრძელება შესაძლებელია მხოლოდ, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

6.6. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.

6.7. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

6.8. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

6.9. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.

6.10. ხელშეკრულების გაფორმების შემდეგ მიმწოდებელი ყველა საკითხზე მიმართავს შსს ლოჯისტიკის დეპარტამენტს, (მათ შორის ხელშეკრულებაში ცვლილების განხორციელებასთან დაკავშირებით (მაგ: ვადის გადაწევა, მიწოდების ადგილის, მწარმოებლის, წარმოშობის ქვეყნის ცვლილება და ა.შ.).

7. შესყიდვის ობიექტის მიღება-ჩაბარების წესი

7.1. მისაწოდებელი შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. შესყიდვის ობიექტის გადაცემა ხდება მიღება-ჩაბარების აქტის საფუძველზე, მიწოდების ადგილის მიხედვით.

7.2. ამ ხელშეკრულების მიზნებისათვის მიწოდებად არ ითვლება ნაკლიანი ან ხელშეკრულებით გათვალისწინებულ მოთხოვნებთან შეუსაბამო შესყიდვის ობიექტის წარმოდგენა. ასეთ შემთხვევაში აღნიშნულზე მიღება-ჩაბარების აქტი არ ფორმდება.

7.3. მიღება-ჩაბარებას ახორციელებენ სათანადოდ უფლებამოსილი პირ(ებ)ი - კერძოდ, შსს ლოჯისტიკის დეპარტამენტის მარაგებით უზრუნველყოფის სამმართველოს სასაწყობო მარაგების მართვის სამსახურის შესაბამისი უფლებამოსილი პირი, უნიფორმების მოთხოვნების დაზუსტებისა და უზრუნველყოფის განყოფილების მთავარი სპეციალისტის ბაჩანა საგანელიძის ან/და ლუიზა საფარაშვილის თანხმობის საფუძველზე.

7.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. დაფინანსების წყარო - 2017 წლის სახელმწიფო ბიუჯეტი.

8.2. უნაღდო - ანგარიშსწორების ფორმა - სტანდარტული.

8.2.1. შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ეტაპობრივად ყოველი კონკრეტული საქონლის მიწოდებიდან კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან და მიღება ჩაბარების აქტის გაფორმებიდან 20 კალენდარულ დღეში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.3. უნაღდო - ანგარიშსწორების ფორმა - საავანსო.

8.3.1. წინასწარი ანგარიშსწორება (ავანსი) შესაძლებელია გამოიყენებული იქნას, არაუმეტეს სახელშეკრულებო ღირებულების 70%-ის ოდენობით, მიმწოდებლის მიერ საბანკო დაწესებულების მიერ შესაბამის თანხაზე გაცემული უპირობო გამოუთხოვადი გარანტიის წარმოდგენის შემთხვევაში. გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან, ეროვნულ ვალუტაში - ლარში. საავანსო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. შემსყიდველი ვალდებულია გადაუხადოს მიმწოდებელს ავანსი, მიმწოდებლის მიერ წარმოდგენილი შესაბამისი ოდენობის საავანსო თანხის საბანკო გარანტიის წარმოდგენიდან 20 (ოცი) დღის განმავლობაში. დარჩენილი ღირებულების გადახდა მოხდება ამ მუხლით განსაზღვრული პირობების შესაბამისად, ავანსად მიღებული თანხის სრულად გამოქვითვის შემდეგ.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

9.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში შესაძლებელია ფასის გაზრდა. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.5. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

9.6. ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.

9.7. იმ შემთხვევაში, თუ აუცილებელი გახდება ხელშეკრულებით გათვალისწინებული შესყიდვის ობიექტის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მიწოდებული შესყიდვის ობიექტის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

9.8. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით.

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

10.3. თუ მიმწოდებელი, დამატებით ვადაში არ წარმოადგენს ან ვერ უზრუნველყოფს ინსპექტირების მიზნით წარმოდგენილი ეგზემპლარების ან/და ექსპერტიზის დასკვნის შესაბამისობას ხელშეკრულების პირობებთან, შემსყიდველი უფლებამოსილია შეწყვიტოს წინამდებარე ხელშეკრულება.

10.4. თუ მიმწოდებელი ხელშეკრულებით გათვალისწინებული შესყიდვის ობიექტის მიწოდების პირობებს ვერ შეასრულებს (შესრულების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

- ა) მიმწოდებელის მიერ ხელშეკრულების არაჯეროვანი შესრულებისათვის შეწყვიტოს წინამდებარე ხელშეკრულება.
- ბ) ხელშეკრულების დანართი N1-ით განსაზღვრული შესყიდვის ობიექტის მიწოდების, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილების შემთხვევაში, მიმწოდებელს ყოველ ვადაგადაცილებულ დღეზე დააკისროს პირგასამტეხლო ხელშეკრულების ღირებულების 0.2%-ის ოდენობით.
- გ) თუ კი პირგასამტეხლოს ოდენობა მიაღწევს ხელშეკრულების საერთო ღირებულების 5% და იგი ვერ განახორციელებს შესყიდვის ობიექტის სრულად მოწოდებას და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი შეწყვეტს წინამდებარე ხელშეკრულებას. აღნიშნული ვადის გაგრძელება შესაძლებელია მხოლოდ, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

10.5. ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 10%-ის ოდენობით.

10.6. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება და აუნაზღაუროს მიმწოდებელს ფაქტიურად მიღებული შესყიდვის ობიექტის ღირებულება:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) მიმწოდებლის გაკოტრების შემთხვევაში;
- გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება; (არსებობის შემთხვევაში).
- დ) საქართველოს კანონმდებლობით გათვალისწინებულ სხვა შემთხვევებში

10.7. ხელშეკრულების შეწყვეტა ან/და საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულების შესრულებისაგან.

10.8. შემსყიდველს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულების შეუსრულებლობით.

11. ხელშეკრულების მოქმედების ვადა

11.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, შესყიდვის ობიექტის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. სხვა დებულებები

14.1. ხელშეკრულება შედგენილია ქართულ ენაზე ოთხი თანაბარი იურიდიული ძალის მქონე ეგზემპლარად.

14.2. ხელშეკრულება ძალაში შედის ხელმოწერისთანავე.

შემსყიდველი

შსს ეკონომიკური დეპარტამენტის
დირექტორის მოადგილე

მურთაზ სიჭინავა

მიმწოდებელი

შპს „ელსელემა“-ს
დირექტორის მინდობილი პირი

ლევან მამასახლისი

საქართველოს იუსტიციის მინისტრის განკარგულებაში

საქართველოს იუსტიციის მინისტრის განკარგულებაში

ფურცელი ნაწილი მკვეთი (ნაწილი) პოლიცია და POLICE	• ინგლისურად „POLICE“ (950 ცალი) და წარწერა ქართულად „პოლიცია“ (950 ცალი) (ტრანსპარენტული წარწერა). • ფურცლის ფურცელი და ნაპირები (ნაწილი) შესრულებულია ნაპირში, თეთრი აბრეშულის (ან შემცველი) ძაფით მქუქ ლურჯ ფონზე. ზომა: 25 სმ X 7 სმ. • ფურცელი და გრძელწილური მარჯვნივ და მარცხნივ დატეხილია (ლურჯი ფერის). • გვირგვინების შესრულება თანამართლის წილი, ფურცელი და იკვეთება სამკვეთლო ძაფით, რომელიც არის გამჭვირვალე, ძალის ზემოქმედების შედეგად არ წყდება. • ფურცელი წარმოადგენს ეკონომიკის განვითარების და განვითარების. • ფურცელი ფერით არის სტაბილურად მკვეთრი. • ფურცელი ნაგებობა ინარჩუნებს ხარისხს და თვისებრივ მახასიათებლებს (რეზინის ხარისხი) მთლიან მდგრადი. • ფერი გახურების და ტემპერატურის ზემოქმედების (რეზინის, მზის სხივების ზემოქმედება) მთლიან მდგრადი. • ფერმომცვლელი მას „ელასტიკა“; • წარმოშობის ქვეყანა საქართველო.	4,180.00
ფურცელი ნაწილი მკვეთი (ნაწილი) პოლიცია და POLICE	• ფურცელი წარწერა ინგლისურად „POLICE“ (950 ცალი) და წარწერა ქართულად „პოლიცია“ (950 ცალი) (ტრანსპარენტული წარწერა). • ფურცლის ფურცელი და ნაპირები (ნაწილი) შესრულებულია ნაპირში, თეთრი აბრეშულის (ან შემცველი) ძაფით მქუქ ლურჯ ფონზე. ზომა: 13 სმ X 3.5 სმ. • ფურცელი და გრძელწილური მარჯვნივ და მარცხნივ დატეხილია (ლურჯი ფერის). • გვირგვინების შესრულება თანამართლის წილი, ფურცელი და იკვეთება სამკვეთლო ძაფით, რომელიც არის გამჭვირვალე, ძალის ზემოქმედების შედეგად არ წყდება. • ფურცელი წარმოადგენს ეკონომიკის განვითარების და განვითარების. • ფურცელი ფერით არის სტაბილურად მკვეთრი. • ფურცელი ნაგებობა ინარჩუნებს ხარისხს და თვისებრივ მახასიათებლებს (რეზინის ხარისხი) მთლიან მდგრადი. • ფერი გახურების და ტემპერატურის ზემოქმედების (რეზინის, მზის სხივების ზემოქმედება) მთლიან მდგრადი. • ფერმომცვლელი მას „ელასტიკა“; • წარმოშობის ქვეყანა საქართველო.	4,180.00
ფურცელი ნაწილი მკვეთი (ნაწილი) პოლიცია და POLICE	• ფურცელი წარწერა ინგლისურად „POLICE“ (950 ცალი) და წარწერა ქართულად „პოლიცია“ (950 ცალი) (ტრანსპარენტული წარწერა). • ფურცლის ფურცელი და ნაპირები (ნაწილი) შესრულებულია ნაპირში, თეთრი აბრეშულის (ან შემცველი) ძაფით მქუქ ლურჯ ფონზე. ზომა: 9 სმ X 2.5 სმ. • ფურცელი და გრძელწილური მარჯვნივ და მარცხნივ დატეხილია (ლურჯი ფერის). • გვირგვინების შესრულება თანამართლის წილი, ფურცელი და იკვეთება სამკვეთლო ძაფით, რომელიც არის გამჭვირვალე, ძალის ზემოქმედების შედეგად არ წყდება. • ფურცელი წარმოადგენს ეკონომიკის განვითარების და განვითარების. • ფურცელი ფერით არის სტაბილურად მკვეთრი. • ფურცელი ნაგებობა ინარჩუნებს ხარისხს და თვისებრივ მახასიათებლებს (რეზინის ხარისხი) მთლიან მდგრადი. • ფერი გახურების და ტემპერატურის ზემოქმედების (რეზინის, მზის სხივების ზემოქმედება) მთლიან მდგრადი. • ფერმომცვლელი მას „ელასტიკა“; • წარმოშობის ქვეყანა საქართველო.	4,180.00

